

docriver 文川网  
古籍书城  
获取更多电子书

中國方志叢書·華中地方·第二六七號

據

清·達春布修，黃鳳樓纂  
同治十三年刊本

影印

江 西 省

# 九江府志



成文出版社有限公司印行



0233

k20  
41819  
20700

sk25/02

中國方志叢書·華中地方·第二六七號

據

清·達春布修，黃鳳樓纂  
清同治十三年刊本

影印

江西省

# 九江府志

(二)



5675/102

成文出版社有限公司印行



\*10097049\*

中華民國六十四年 月壹一版

# 九江府志

全二冊

發行人：黃 成 助

出版者：成文出版社有限公司

台北市郵政信箱二二六〇五號  
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

docsriver 文川网  
入驻商家 古籍书城

在文川网搜索古籍书城 获取更多电子书

同治十三年甲戌春鐫

九江府志

九江府學文昌宮藏板



重修九江府志序

癸酉春予奉

簡命分巡是邦見夫廬阜葱鬱  
江水滌洄竊幸靈秀所鍾  
人文淵藪洵為江右名區  
公餘輒披閱九江前志朱

勳楫郡伯承觀察任醴渠  
之意聘名進士曹芸緝司  
其事自康熙癸丑至嘉慶  
戊寅百四十年来剝復變  
遷之故不可勝數其間宜  
補宜續宜博辨而訂正者

無不犁然各當噫何其盛

也乃自髮匪倡亂大江南  
北多為賊陷而九江受害  
尤烈所幸壘吏大帥敵愾  
同仇而殘敝之區重秀再  
清風景仍舊但久遭兵燹

志乘殘闕板帙蕩然矣適  
劉大中丞關心文獻通飭  
各郡縣及時修輯志乘以  
備會纂而九江太守達君  
進修與德化鄭孝廉夢良  
商榷重修府志聘諸在籍

名宿參互考訂凡山川之  
形勢人物之菁華與乎忠  
孝節烈德行道藝之卓  
者炳々麟々視前志尤加  
詳備予以公事旁午未暇  
時加參考而詳覽體例悉

遵省頒新章無濫無遺刻  
既竣請序於予々以文詞  
謏陋何足以弁簡端惟念  
躬逢盛舉又幸與此邦人  
士共觀厥成因書此以紀  
盛并以貽後之官斯土者

欽加按察使銜分巡廣饒九南  
兵備道督理九江關稅務  
管理密廠兼辦通商事宜  
暨州沈保靖序



重修九江府志序

郡縣之有志猶國之有史體具而徵者也九江志自戊寅重修後五十年來人物之挺生事蹟之興革纂輯洵非易事作志者固未敢輕操不律矣洪維

皇上初基運際上元甲子金陵克捷東南底平兩江督臣迺取歷年來

九江府志

采訪局所網拾之忠義節孝諸事畧請付史館立符

恩綸凡史館論撰而外吾階蔭子旌坊皆有差於錄哉洵是攬一世之風俗人心運以鑿鼓軒舞者矣由是各直省臺臣咸思宣

上德而盡忠孝同時議纂通志江右行省

劉大中丞屢牒十四府州各蒐舊

乘萃新知以劾裨諳草創之用余適來守是邦奉檄開局因得汎覽一郡掌故以韓宣適魯獲觀書太史氏見魯春秋焉竊維九江為郡荆揚接畛吳楚交衝雖洞庭之九江聲名於夏壽春之九江分郡于秦彭蠡之

九江府志

二

九江假借傳會於新莽言若人殊然皆經生家所習辨而非今日守土葺志之務務所當亟也夫語定亂于承平已久之後應交難而求敷治於中興大有造之年守經亦不易九江古稱形便茲斯土撫以民鏡往察來山川城郭固敢恃險毋虞也學校桑

農罔或有舉輒廢也昔奮武今  
揆文司牧之利權罔蹂厥職也  
明取賢顯彰德鄉人之好惡罔  
清于真也况死書羽檄未嘗乏  
高文典冊之華小說虞初亦或  
供彈見洽聞之助就陳篇而補  
苴罅漏張皇幽渺其立於乎  
在斯乎是編經始於壬申孟冬

告成于癸酉季冬到綱十附目  
五十四年五邑之序策庫力  
質其成於

大中丞而未知於

國家維風俗正人心之微旨不相差  
謬否也是為序

同治十二年癸酉季冬月

知九江府事遼春布識

孟子論諸侯封國之制曰不百里不足以守宗廟之典籍是以典籍為首事也三代之後如杞如宋皆不足徵克存之者惟魯而已如春秋之季僖桓之宮猶有禮書御書象魏之藏故當時以儒書秉禮之邦稱之孔子論政俗則曰魯一變至於道論禮樂則曰吾舍魯何適矣於是取魯史筆之削之立為百王不易之大法向使魯無所藏則聖人亦無從而索之也秦雖焚滅詩書而圖籍亦藏於府中漢之所以得王天下者實是之賴而不專於馬上也九江本吳楚二國之地秦改為郡漢封黥布為九江王而名始著地數百里古諸侯之大國也附庸之邑有五擅廬阜之高挾鄱湖之險匯江漢之深山川之秀實甲於他郡是以人物之生其地者陸續之孝六歲而稱陶潛之節千載以仰陳魏之義十八世而同居寓其地者豪邁如李謫仙放逸如史北海固閑世人也而道喪千載覺我後人則又有如宋之周夫子焉至若仕其地者漢灌嬰宋均晉陶侃庾亮唐狄仁傑白居易宋呂誨岳飛余崇錕魏了翁之輩皆章章在人耳目者典籍具存生者其秀之孕育者其秀之感仕者其秀之合也惜乎元政不綱李忠文公支一木以扶大廈之顛而不克後遂為偽漢

九江府志

卷首

原序

陳友諒所據廬山毒流赤水甚於祖龍之時正詩所謂周餘黎民靡有孑遺也尚何典籍志記之足守哉我太祖高皇帝破友諒定九江在辛丑之歲於茲蓋百二十餘年矣生理漸復人文漸興將有如昔之時而無與為景仰者於是因政之暇命儒官搜集五縣志於殘矢之餘而手自校集刻梓以示於世傳疑傳信俾生於斯寓於斯仕於斯者各夷考其實而師法之以無負是地山川之秀則所謂一變而至道者不有於斯籍乎於乎攷據不精遺漏或甚自愧學識之疎也然百年塵典一朝舉焉亦難矣後之繼筆者取以為傳案未必無一助協成是事同

與楊公琰吳公經也

舊志序二 明宏治 年

楊守社

治有務不知務曰盲盲則民欺不能務曰懦懦則民侮知之能之而不肯務曰怠怠則民玩盲非學不明懦非勇不立怠非誠不勵世之為治者民欺焉侮焉玩焉曰民之梗果梗乎抑盲乎懦乎怠乎學明於中身行於外誠守於久而致治之職盡矣吾於九江太守童侯之為治而論及此太守古諸侯之職即漢宣帝所謂與我共理天下之二千石也若我國家尤重其選選於內必下大夫之賢也選於外必州牧守之尤也侯以名進士先

守直隸邢州以能績聞當二遷今職於九江將踰六年矣九江  
江右要衝之地以土則瘠以民則寡以政則繁以俗則儉俟爲  
之一二年之後野無不毛之地市無無告之人庭無不直之獄  
城隍高之深之壇社崇之飭之祀事豐之潔之治署新之擴之  
學校興之復之人材作之起之衢道修之平之輿梁成之固之  
材需公羨力役時暇土不知其瘠民不知其寡政不知其繁俗  
不知其儉也六年猶三年也三年猶一二年也謂九江之民不  
欺不侮不玩非也欲欺欲侮欲玩之而不得也俟之學有以明  
其務而勇有以行之誠有以久之也今年述職京師謂余曰九

九江府志

卷首

原序

三

江入我國朝版籍殆百二十餘年郡之典籍志記無一之紀徵  
詎非缺典乎吾分符其地搜檢殘餘之中得志一集卷凡十四  
目凡十條凡七十子我鄉之文宗也盡爲我序之余曰志卽史  
也史者記事之書俟之心蓋欲記古人所務之事考今日所務  
之事也於乎以俟之心推之而但可守九江一郡矣乎

舊志序三

明嘉靖六年

楊一清

國有史郡有志志以述事事以藏往藏往以知來是故文獻足  
徵焉勸戒不惑焉夫志史之翼也君子參伍以通其變小人法  
守以修其業由俗以出政省方以立教不出書契而知天下者

稽之志而已矣九江地界荆揚當楚之衝據金陵上游歷代爲  
重鎮郡故有志廣陵何君棊以憲副飭兵於茲懼故志歲久殘  
廢且多所疑謬釐而新焉質之載籍咨之見聞其繁理亂搜隱  
析微而疑者信謬者正殘廢者修矣志成請予序之予觀其書  
秩而有倫約而弗遺其事覈其文質而瞻或發凡以舉要或緯  
圖以法象體國經野以爲民極故首之以郡域封山濬川使同  
貫利故次之以山川設官分職則地利可盡而民不失業故次  
之以宦蹟政平治理則教化敦而賢才興故次之以人物辨方  
正位以居民也故次之以宮室蒐乘補卒以備不虞故次之以

卷首

原序

四

兵衛兵足則民附民附而後可以時遊觀節勞佚也故次之以  
古蹟存古者莫若衛其園陵故次之以陵墓異教非經也創之  
自古昔今不能廢故又次之以寺觀該古今之變綜事物之情  
者莫若文字故次之以詩文終焉凡風俗之因革制度之隆汙  
食貨之盈縮賦役之繁簡下至溝塗津梁倉庫遺逸纖悉畢究  
往者存焉來者考焉故曰文獻足徵而觀戒不惑可以觀可以  
興矣何君之洎九江也期而報政曰武備仿矣虞虞實矣膠庠  
作矣百度貞矣猶志弗稱耳抑何以示久遠且稽古者之責也  
君初爲御史覈平功四川遷南京太僕少卿改按察副使所至

有聲蹟斯志也蓋政成而後作焉君子又以知其爲政之知所先後也志凡若干卷主之者何君始舉其事者知府東君漢既而任其事者知府馮君會其相成之者同知姜君輅也

舊志序四 嘉靖六年

李汎

古者列國必有史官掌記時政後世郡邑雖非封國之比然得專祀社稷山川之神儼然古諸侯也豈可無紀述邪廣陵篤齋何公以南京太僕寺少卿改江西按察司副使奉勅飭兵九江公餘稽古嘗以舊志遺謬爲缺典郡守東侯漢曰此其責也方欲舉行而有南昌之調慈馮侯會繼之慨然以此爲爲政之所

九江府志

卷首 原序

五

先迺請於公遣聘幣至鏡山屬余秉筆終其事焉余何人斯而敢當此辭至再公手教益堅於是幡然曰匡廬在念久矣茲顧沮邪遂乘舟下石門越浮梁至番之芝山驛風雨交作意又索然頃之篤齋公舟適至遂挈以往豈非數合有此行邪經都昌舍舟而與凡二百里抵九江城所謂匡山彭蠡鹿洞濂溪諸名勝皆獲親歷平生幽抱愜矣慰矣竊心語不知何以副公所委之萬一邪明日馮侯與郡貳姜君輅節推張君得麟設宴開局文士畢集鄉宦則行人王君汝賓鄉舉則柳子邦傑陳子守仁何子貫陳子必升陳子守信庠彥則劉嶽黃獻歐陽國光王用

余文獻又延莆田逸士葉綸共分硯席對讀則儒士羅緯於凡

訛者正之遺者補之畧者詳之不經者刪去之而又條具而例合之邑分而郡總之故予得因羣力以爲力取衆長以爲長雨踰月而告成焉謹序於末曰自昔方輿有志有圖所以資政治也非但備遺忘廣見聞而已蓋記田賦而知公歛之厚薄因物產而知民生之豐儉察宦蹟而知吏治之得失論人物而知士習之浮正俗尙之澆簡至若興學校以明禮義表忠節以勸風化嚴祀典以敬鬼神與夫據形勝飭兵防以備四方之警舉可

九江府志

卷首

原序

六

按圖而知然則志之繫於治體不亦重且大哉雖然斯志也非篤齋公力主之馮侯克成之姜張二君輔翼之一時清才遠識德侔而道合言聽而氣同則予以病夫退叟亦惡得掛名圖牒與青雲諸君子分尺寸之功於千里之外也哉

舊志序五 明天啟甲子年

陸夢龍

九江志纂自童守湖嘉靖初何兵備蕪再修之今覓湖志不得桑子木紀廬山事引舊志俱可觀不知即湖志耶抑宋元間固有之耶李汎序何志謂舊志遺謬屬汎正而補之而何志之謬爲自來所未有宦表列梁元帝直云王釋湘東人桂陽王休範云王休範桂陽人元次山會寓濱谿而請生於瑞昌王子純以

武功顯而列之文苑皇甫元晏安定人謝康樂陽夏人而傳之  
人物二程兄弟侍周茂叔於南安而綴之流寓胡旦狀元及第  
者渤海人而合之德安諸如此類瞑目而不見邱山者九十餘  
年於此其後人邇事績無撰著相傳說能言之者益寡蓋文獻  
之闕久矣余篋中書既前汨於彭澤南州鬱儀家多藏書富腹  
荀質以古事鬱儀爲手較而授之邇事則稽於衆及所佚見鄉  
先生傳爲烈出其所覩記乃衷焉人從傳傳從正史事從宜風  
俗山川文物先後營建之蹟從所不誣而樂廣之間有舊志所  
載無稽無詢始姑仍之知其不無誤也余手所拮据起於亥冬

九江府志

卷首

原序

七

日越三月甲子春志成序曰夫志文獻則其徵者是以因革爲  
大以張四維勸懲爲大機宜洞於誠而窳繁熟於嘗假人之口  
以知之而假人之手以宣之而以爲行乎止乎盈乎縮乎通乎  
塞乎此已窮於廢而人窮於播養也非官師莫宜此矣夫華袞  
人之所榮也榮人者溢焉斧鉞人之所創也創人者嗾焉詼無  
如顯飾無如幽黜無如文濫無如市徇無如面則余皆所不敢  
鬱儀名謀璋爲烈名宏祖翼以有成則德化令蕭上達

舊志序六

本朝順治十八年

胡宗煥

禹貢九江故荆揚二州之境春秋爲吳楚地秦改郡漢封黥布

爲九江王而名益著面匡廬挾彭蠡山川之秀實甲他郡予戊  
戌秋濫竽九江司理甫入境見室廬灰燼古蹟蒼涼慨焉興歎  
而傷今昔之殊觀及徵郡志久事鬱攸雖欲修輯其道無由十  
一月卽有輯瑞之役不克稽選事採遺聞越明年三月

陞辭南旋便道還昆陵接諸藏笥得九江舊志數卷爲予兄翼  
在司權關時所寄因攜之任於選食之暇間從刪補字板謬誤  
殊不耐觀予攷志之所自昉於宏治初年太守童潮命六學儒  
官纂輯一十四卷嘉靖六年廣陵何棐以憲副飭兵九江續編  
一十六卷纂翼在所貽固何志也踵童之舊而修飾之功缺焉

九江府志

卷首

原序

入

是以弗澤於雅也今年夏五予將較轡何志付之剞劂適溥士  
柯生以陸公夢龍新志相質予觀輿地食貨諸小序俱英英邁  
古卽名人選述亦多所節畧刻於天啟四年洵稱九江良史予  
以名宦名諸職官兵防附諸建置獨刪事宜者以事有宜於昔  
而不宜於今也若乃藝文爲是邦人文所聚詩有陶謝李杜文  
有歐蘇張朱忠讜之言苑爲內編仙釋之錄衷成異采志記竊  
比春秋文辭可追爾雅故藝文較陸志有加勒成二十二卷上  
之大中丞張公以備採風逸乘焉其有功郡志者例宜並書另  
表姓氏以垂不朽

舊志序七 本朝康熙十二年

江殷道

君子以經世勵俗為任綜數百年之民物風教操筆而衷其是則必尚嚴而恥同然而有遠近之殊焉蒐討舊章糾駁前疑易於嚴而難於核龍門家世史官猶誤闕止為子我廬陵五代史劉壯與多摘其譌謬聽遠者聞疾不聞舒烏焉成馬勢使然也至於耳目傳述之相接田夫羹童所能言者可謂核矣而訕壓有嫌廋匿有故如孫盛諸子私改晉春秋袁虎東征賦被脅陶公子甚者黨同而伐異清文而濁質把豐狐射奇貨往往然也故不特國史載近代是非紛紜靡定即郡邑志較有難焉者歟

九江府志

卷首

原序

九

志之作而傳傳而信得乎今聖天子大復古詢茲黃髮以為周官小史登邦國之志外史掌四方之志志者誌也使輶軒所采不貢於冊府何以周知天下之故廼

詔春官牒直省開局延儒纂成通誌諸州邑誌統於郡諸郡誌上於道司院部至重鉅也余官守九江嘗詢其故乘自陸而溯至於何又溯至於童年愈久則愈疎郡司李蘭陵胡君續修於順治辛丑而後自甲子以來三十年一郡五邑之事蹟犁然具備當時宿老操觚羣英彙帙編摩論次之功顧不勤矣哉夫何

五十二年之後以指十二年之前猶蚤暮耳即有訕壓瘦瘠如前所云者當奈何賴鄉大夫文燈巖黃雷岸兩先生海內推為靈光文獻余不敏承龍印任棠之益蓋亦有年以余敦請輒命駕山中既適館致饗清吉分曹爰質所疑於兩先生則毅然曰夫典利而除弊獎正而斥邪者長吏事也長吏之事君子嫌於近之為其滿迹而召毀雖然此邦塉瘠微福於大夫甚厚今大夫行古之道而以世俗之躐近者相劇切也其又何嫌乎遂與張子感諸子載筆纂修勿徇勿悞塞其蕭稿攻其壘額閱兩月而志成凡十八卷補遺核實其書盡而不汗且而不肆一本春

九江府志

卷首

原序

十

秋太史之法前此之滛漫者躑駘者皆藉是為功臣雖與匡阜潯江高深俱永可也獨是余授事且三霜曠雅示履岐穗茂紀即顛蠲請賑除荒屯興洞學諸事兢兢奉職掌告無過而已其何述之有兩先生則以為避名而諱功者曲士咫尺之誼非大儒經國之道昔闕官作則頌之越州救災則紀之韓重華修屯則序之皆著令典為後世法豈私其人哉然余終不敢自居也惟與諸鄉先生期成一郡之信史俾後君子採擇焉

舊志序八

本朝康熙十二年

文德翼

謹按秦分天下為三十六郡即有九江郡矣漢因之然考漢書



九江所統瀾遠徵與今不合或者謂江州爲九江殆非也晉漢  
江荆揚爲巨鎮疑外重割兩鎮數屬郡立爲江州或寓治豫章  
或寓治武昌無常所是九江特江州一郡非主名或者又謂尋  
陽爲九江抑非也穀梁曰水以北爲陽九江背尋江宜名尋陰  
不宜名尋陽宋書柳元景統薛安都等十二軍發湓口武陵王  
駿發尋陽是二地也九江有湓口不知尋陽所在憶讀竹書紀  
年記周康王十八年巡狩九江之廬山今水簾泉尙名康王谷  
則九江以廬山爲表識斷可知矣禹貢釋文烏白江蚌江烏江  
嘉靡江峽江源江廩江提江箇江爲九江殊汗漫不可辨已

九江府志 卷首 原序 七

今天下同文大修郡志甚盛舉也太守漢陽江公繆以命不佞  
翼典其事翼壯不如人今老矣家無藏書舊開放失循古以來  
官師人士絕不能貫珠編貝以信於來茲固辭不允乃薦剡同  
郡名雋碩儒闔分局異各任一條閱月始成德翼補苴隙滄塗  
易訛謬不能萬一謹獻於公公博物高文橫絕一代董狐司馬  
精於取裁然愚以爲九江立郡以來稱循良者莫最宋叔庠均  
叔庠渡虎不如公之賑荒蠲屯也凶歲且不爲灾况虎乎叔庠  
投巫不如公之興學造士也異教且不爲害况巫乎九江三省  
參會水陸俱衝車蓋樓船應接不暇在符伏莽搜剔亦艱公退

食委蛇或結交陶白於異代徜徉湖中或進訪永遠於二林輿  
寄方外悠閒自適紆徐爲妍更成此書垂之久遠凡千里之輿  
除與百代之因革如觀理於掌上如聚米於目前可謂詳慎矣  
德翼僅一書記弭不律供險糜以從事朝夕爲役曾無一勞復  
次第其事列序於公後惟有慚惶而已

舊志序九 本朝康熙十二年 黃雲師

九江志成於順治辛丑今再修者何遵  
新令也辛丑距今方一紀所成志亦可以應  
令而必再修者何蓋念鞠使君之慎也春秋所載有見有聞自

九江府志 卷首 原序 三

傳聞達之則畧而近之則詳遠之則疎而近之則親乃子與氏  
論春秋獨以文歸史後之說者至謂游夏不能贊余竊意定哀  
之際史官書未敢遽出一二十年間事孔子未嘗不採諸游夏  
其文率自作不出於史何則以其近而見之最親且詳也就博  
志論百餘年中凡四修童何二志不可知會稽陸公則明云古  
事咨朱鬱儀邇事咨傅爲烈而胡公近志其條目諸小序十九  
皆屬余具藁然紀錄自操獻徵未廣近蹟尤多缺如無他局未  
開而聚議無地旁求狹且固而考訂無人也使君慎之矣蓋檄  
下卽檄結詞英肅掃蕭寺高齋以延學士設醴以虔申公卽余



家啟鮮聞蘭依巖岫亦招致而寄以東里之責於時人挾靈珠  
思欲以長自見編摩揚權焚膏繼晷兩閱月而志已成例稟中  
州詞無溢美絲陸志到今其事其人率纖悉具載昔蔚宗作史  
以十志委謝儼永叔子京修唐書亦分註所紀古人敬重史事  
類如斯也夫史有三長而郡國之史尤濡染於耳目或筆或削  
惟使君是正茲不具論乃余獨謂吾儒立功因事以見使君下  
車事遇荒則功在賑救遇屯則功在清濁其他端不可枚舉  
新令修志亦綜理微審視前政尤隆重一切臨事不敢苟然以  
應必盡善乃已以故事主而功以立若斯志見一班耳假令淵

九江府志

卷首

原序

三

明而在馬隊校書之詩可不作焉

舊志序十

本朝康熙十二年

張秉鉉

九江郡志在明有太守童公湖憲副何公業及陸公夢龍彼三  
公者精心考覈紀載無餘洵良史矣但編自前朝而繼此者不  
具焉我

國家大鼎初定司李胡公宗虞重修之兵燹之餘大抵亦從三  
誌而筆削已耳夫山川形勝固有定勢而時之兵防不一丁徭  
田賦固有定數而時之增減不一職官守令固有定位而時之  
裁設不一土俗人才固有定分而時之盛衰不一邱陵創建固

有定在而時之廢置不一騷人墨士固有定體而時之風氣不  
一使不爲之搜羅往昔延攬近今何以成一代之文獻備一朝  
之典章也哉茲奉

簡命纂修通志接古續今甚盛舉也若九江蕞爾一區足備職  
方之載輶軒之採者固自無多然控荆引越襟帶江湖形勝言  
之亦重鎮也丁僅二萬六千有餘戶田僅一萬二千有餘頃而  
漕艘則充宿衛關樞則裕司農徭賦言之亦劇邑也語職官捍  
難如灌睢陽如溫太真撫字如少室如懷英如司馬香山語人  
才節如元亮義如伯宣理學如濂溪巍科如伍如馬未能更僕

九江府志

卷首

原序

四

至廬山秀甲天下擇勝棲遲登臨託志者往往不乏矧

景運方新人康物阜鍾靈蔚起之秋乎郡守江公念鞠先生楚  
國名賢海內鉅望蒞任未一載穡饑告糴建學課農無不以國  
計民生爲己任值督撫藩司修纂之命下卽日備供具擇館局  
徵聘文君銓巖黃君雷岸兩先生學具史才猶以獨任爲嫌乃  
委責於合郡諸多士鉉何人斯敢當是役惟是借諸同志既已  
分彙專司又復互相參訂而監修則學博閔子諱傑書成正之  
文黃二先生然後上於念鞠江公論定可否爲兵防者若何爲  
增減者若何爲裁設者若何與爲盛爲衰爲廢爲置爲低昂者

docsriver 文川网  
入驻商家 古籍书城

在文川网搜索古籍书城 获取更多电子书

又若何行必展其幽微言必採其樞實一一疏畫將以補董何  
數公之闕者庶幾其有當也夫

舊志序十一

本朝嘉慶二十三年

任蘭祐

九江之名昉自禹貢然今之九江非昔之九江也山海經洞庭  
之山在九江之中則九江卽洞庭也秦以潯陽爲九江郡潯陽  
今黃梅於是說者以鄂陵之九水爲九江鄂陵今武昌縣新莽  
時以潯陽分屬廬江而以豫章爲九江郡豫章無九江也於是  
說者又以入彭蠡之九水爲九江此今之九江所以異於禹貢  
而並不同於秦漢也嘉慶乙亥余奉

九江府志

卷首

原序

五

簡命分巡是邦覽其山川北則長江環抱南則廬阜磅礴綿亘  
南迤西則合饒撫吉南頓建昌臨江袁筠南康數州之水而歸  
爲彭蠡卽傅會者所指之九水以爲九江者也因求郡志讀之  
不可得詢之守土者則以前志修於康熙癸丑迄今百餘年板  
燬而書亦盡矣夫潯於歷朝爲重鎮古今險易所改移民情風  
土所變遷以及名臣循吏之所以表著而維持者百餘年紀載  
缺如其何以徵文獻而揚郵治哉明年朱君勳楮來守郡言之  
與余見同而德化令鄉君藜齋亦以所得舊志來呈於是捐金  
設局俾五邑之士採訪披羅各輸助以成其事增刪去取編纂

體例則延耆宿以專其任閱十餘月志成太守及諸令尹請序  
於余余於是揖而進之言曰郡邑之志卽周官之五物所以周

知天下之故凡欲致之於民非第資考據矜博洽已也士君子  
學古入官督期有用於世然不知天地寒煖燥溼廣谷大川之  
異制民生其間者之異俗則圖柄方鑿有遷地而弗能爲良者  
矣是志旣賴諸君共成之吾願今之與吾共守此土按圖考籍  
修其教不易其俗齊其政不易其宜凡所措置廢興因革一以  
有神於斯地斯民爲意則是書爲有用之書至於某山某水名  
字之得其審爲古爲今沿革之知所自又其末焉者矣是爲序

九江府志

卷首

原序

六

舊志序十二

本朝嘉慶二十三年

朱榮

漢志廬江郡下載潯陽南有九江東合爲大江章懷太子引釋  
慧遠廬山記證之而九江郡則別行今九江治廬山時其南江  
水橫其北則是潯陽治而非昔之九江郡矣宋均傳均爲九江  
太守郡多虎豹均去檻羆虎相與東游渡江舊志引爲此郡事  
實不知此九江乃壽春遼遼之郡非潯陽之九江也事不核實  
因襲多訛非有地志曷克稽歟郡縣志惟李吉甫元和志最爲  
近古若王存之元豐九域志樂史之太平寰宇記歐陽忞之輿  
地廣記雖加詳而體駁矣近代康海修武功縣志創地志繁濫

之例以山川城郭古蹟宅墓併入地理以官署學校津梁市集併入建置以祠廟寺觀併入祠祀藝文用吳郡志例散附各條之下書只七篇較之袁梅延祐四明志于欽齊乘之嚴整有過之無不及也蓋修志之法考輿圖也必悉而核叙沿革也必盡而詳善善從其長惡惡誅其隱體務大思務精毋徇私毋偏執信者傳信疑者傳疑後之讀其書者可以為據若顧亭林號稱博雅其修濟南志猶以李姓一人兩載為譏甚矣其難也予於嘉慶丙子秋自瓊州守量移是邦下車詢賢士大夫郡縣之本末山川奇異風俗所由多未能悉舉舊志又漫漶磨滅不可讀

九江府志

卷首

原序

七

於是慨然為士大夫倡設局重修勒為新志自慚學殖荒落加以案牘之冗不得肆力於此聘是邦之通古今者采護舊聞考述詩書推表山川以綴禹貢周官春秋下及歷代輿圖地志之書於丁丑三月開局閱明年書成凡三十卷自康熙癸丑至今一百四十餘年中賦事悉續載之其有年遠不可考者仍從闕疑之例而舊志體例間有未協復參酌更正折衷一是昔顏師古云中古以來說地理者或解釋經典或撰述方志競出新異穿鑿附會頗失其真是書之成有如師古所言耶抑不如師古所言耶善善惡惡之得其允傳信傳疑之存其真耶然後之人

學然見廬山之高悠然觀江水之深其間名臣循吏逸士高人何可勝道而仰遺徽於曩哲溯往事於傳聞取是書而徵之則亦未嘗無補也是為序

舊志序十三

本朝嘉慶二十三年

李鴻賓

昔江文通有言曰作史莫難於志志蓋史體也范書十志劉昭病其疎略補之陳承祚以志名書而卒無志歐陽五代史志易為考自是史家不言志而郡邑諸乘遂皆據其名然周禮謂訓掌道方志外史掌四方之志郡邑有志殊古焉雖其體與史異而首布以圖次編以類自方輿建置諸大端以迄藝文紀事之

九江府志

卷首

原序

六

屬靡不臚列而析載之蓋非史而實史也且足備國史所採錄事固非眇眇者矣吾潯郡為東南一大都會山則盤鬱而岩巖水則深洄而渟澈育靈孕秀人之彬彬能文者出焉貞固有守者出焉倣儻具大幹濟者出焉是烏可以不志郡舊有志歷百四十餘年幾刊敝不復識其中有所宜補者宜續者宜博辨而訂正者丁丑春 觀察任公醴渠 太守朱公勳捐構意紬輯聚鄉先生而謀之稽星野覬地輿擴摭子史逸說網羅金石古文節叟流傳老儒宿記耳剴心識以攸旁參傷傷然更再寒暑不少怠厥功偉哉予於上秋服闋赴都莫獲襄事今年夏膺

簡命巡撫東粵道經本郡適功甫蒞讀其書圖則瞭然而眉列也類則秩然而派分也沿革疆域諸端風俗物產之屬釐然而銖兩平煥然而日星炳也其所補若吳傑之補兩漢陶岳之補五代也其所續若蕭常之續范書郝經之續陳志也其所博辨而訂正若蘇子由古史之辨馬遷劉知幾史通之正班氏也蓋一志也天地之大古今之異無不明風土之別人物之宜無不著禮樂制度之精日用見聞之細無不晰且詳辨而不華直而有體不溢美不詭詞不阿好休哉大乎洵非史而實史也方今聖天子統楫羣元括囊四海窮陬絕壤俗盡成書他日採風至九江府志 卷首 原序 尤

郡掇其芳行懿蹟貢人史哉是大有光於溥郡也信乎其基諸此矣因綴言簡端以紀盛云

九江府志修纂銜名

鑒定

劉坤一 峴莊湖南新甯人

李文田 仲約廣東順德人

許庚身 星叔浙江錢塘人

劉秉璋 仲良安徽黟縣人

李文敏 捷峯陝西西鄉人

王必達 霞軒廣西臨桂人

吳兆麟 均軒浙江錢塘人

九江府志

卷首

銜名

沈保靖 品蓮江蘇江陰人

許應鏞 星臺廣東番禺人

主修

達春布 進脩滿洲黃旗官學生

與修

德馨 心泉漢軍鑲藍旗官學生

陳肅 南村四川遂寧監生

冷鼎亨 鎮洛山東招遠人

沈建勳 郁齋浙江紹興監生

周振銳 子英河南固始人

張興言 名齋浙江湖州監生

陳文慶 小棠順天大興監生

監修

黃先鐸 覺夫南昌武甯人

郁霖森 子班吉安安福人

協修

徐熾暉 小齋南昌奉新人

總理

九江府志

卷首

銜名

鄭夢良 弼臣德化人

黃鳳樓 五雲德化人

歐陽燾 九雲彭澤人

黃術之 紹周德化人

劉士舉 甲子德化人

夏允中 小松德化人

燕蘭徵 子佩德化人

黃術之

燕蘭徵

揀選知縣大挑二等 周泰寓 心階瑞昌 己未舉人

優 廩 生 胡邦彥 哲夫瑞昌 昌廩生

揀選知縣四班通選教職 梅建厦 禮林湖口 壬戌舉人

保 舉 訓 導 楊以勳 心田湖口 優廩生

揀 選 知 縣 劉樹葵 穀堂彭澤 庚午舉人

保 舉 訓 導 丁聖祥 紫庭彭澤 優廩生

督梓

文 童 許詩選 福田 德化

九江府志卷首

凡例

一省志局通行條例凡十綱五十四目與溥郡戊寅舊志頗不相符今舊志有而新目中所無者悉依綱附載舊文續編亦各從其類遵新式仍可考舊章也

一省志式多與戊寅郡志名異實同之處如地理即方輿星野即分野形勝即形勢壇廟即典禮分見公廨即公署田賦即田產倉儲即積貯漕運即屯田關權即關稅學官包崇祀兼廟祀分見兵制即兵防名宦即宦蹟名臣宦業理

九江府志

卷首

凡例

學儒林文苑即人物合志忠義孝友即孝義合志善士即各縣志篤行郡志人物分見寓賢即僑寓經部史部子部集部文徵金石即藝文分見塋墓即邱墓祥異軼事即紀事今式從新而文錄舊覽者不必另作史通費班馬異同之考

一事經兵燹恐卷帙浩繁宜於事增文省舊志職官一條於新式宜刪者今在郡文職照舊全抄武職自鎮台至守備止非駐郡城者不錄各縣止載縣尹及兩學其巡檢典史城守把總外委無官守於郡城但宜詳之各縣志外若通

判推官照磨知事檢校司獄大使等員雖奉撤而姓名則不能不仍舊登載蓋升調廢定其官釐有不若於此而著於彼者備誌之以資互考且不掃其舊巢痕云

一卷帙過於煩重剞劂維艱今議山川條之非高山大川寺觀條之非叢林古刹水利條之未登課額津梁條之不達通循縣志既仍其詳郡志可從其簡就中擇要而芟蕪後之尋陳迹者不難於邑乘中窺全豹也

一舊志典禮食貨列之職官選舉後似於建置學校不相聯絡今照新式食貨列在建置之次典禮無專條其廟祀內

九江府志

卷首

凡例

十一

文廟 崇聖祠采入學宮各廟祀壇祀墓祀采入壇廟慶賀講約鄉飲酒禮采附學制後鄉賓者壽采入鄉舉條附者儒貢生後至婚冠喪服等制原屬通例非切指一部所行儘可考之 大清會典 大清律諸書茲奉頒行采訪事宜無庸贅及

一人物志舊志統舉人物惟另標節義年遠似難於確切品題今按各縣前志已有分者合概遵新式分目采收續編從之班固古今人表統三代上下尚各求位置則茲編猶若近數蠟紋矣



一人物志內列女條照舊志例改歸簡潔其事迹特異者用雙行小泮亦限以四行期免繁冗其非四行所能盡固不必拘然不宜過於鋪張揚厲惟以男冠女稱與新奉文式未符查本郡戊寅前志係仿雍正八年通志例今仍之一藝文志經史子集別部等著作或已散見人物各列傳者可以互考若有著述而不必立傳所著必用特書文徵係下仍照舊志文賦詩等目依類采收其記序詩文爲形勝古蹟留題已經縣志收入各條下者照舊府志例不必另摘金石已經縣志采得者登之外此俟考

九江府志 卷首 凡例 三

一新式條目有舊志所無及近訪亦不備者如理學隱逸之類倘各縣採訪未得不妨但存其名以待後來  
一藝文以備徵考必有關於此郡山川風俗利弊因革者然後載入卽如匡廬爲數郡鎮山題詠最夥而九江止轄匡北凡寫匡南及泛寫廬山者自有廬山志在舊志已從刪汰至文章一事亘千古而彌光若當代所流傳恐曠點與揄揚均難特爲定論凡本郡人現前珠玉擬不及登  
一是書所稱舊志對本屆新修而言專指戊寅年重修告成之志也其卷內有引用前志江志而未經指明統以舊志

爲文者今概加戊寅前舊志字樣以別之兼照前志加編字以界畫之庶不淆於今昔之感

一新舊文內凡遇 恭避字應照科場則例或用代字或加偏旁或缺筆避寫卷首行書某府志頂格次行標綱低一格標目低二格本文俱頂格其雙拍三拍字謹遵 四庫全書體式另行頂格單拍字行內空一格分註低一格其有定式分修繕稿時卽如式發賸以免開雕或亥後梨棗

九江府志 卷首 凡例



九江府志目錄

卷首

新序 舊序 銜名 凡例 目錄 繪圖

上論

卷一

地理志

星野

卷二

疆域

九江府志

卷首

目錄

卷三

沿革

卷四

山川 形勝附

卷五

水利

卷六

津梁

卷七

古蹟 坊表附

卷八

風俗

卷九

物產

卷十

建置志

城池

卷十一

九江府志

卷首

目錄

壇廟

基祀附

卷十二

公廨

試院附

京師試館附

卷十三

寺觀

育嬰堂

養濟院

漏澤園附

卷十四

食貨志

戶口

卷十五



田賦 額征錫後附

卷十六

倉儲

卷十七

漕運

卷十八

驛監

卷十九

關權

九江府志

卷首

目錄

三

卷二十

學校志

學官

名宦鄉賢各附

卷二十一

學制

學額學田附 慶如講約鄉飲酒禮附

卷二十二

書院

社學小學義學講堂三射圃附 盲考官捐案由附

卷二十三

武備志

兵制

卷二十四

武事

卷二十五

職官志

文職

卷二十六

武職

卷二十七

九江府志

卷首

目錄

四

名宦

卷二十八

選舉志

薦辟

卷二十九

進士

卷三十

鄉舉

五貢耆儒武甲科附 鄉賓耆壽五代同堂附

卷三十一

仕籍 武階附 封蔭授職例頁附

卷三十二

人物志

名臣

卷三十三

宦業

卷三十四

理學

卷三十五

九江府志 卷首 目錄

五

儒林

卷三十六

文苑

卷三十七

忠義

卷三十八

孝友

卷三十九

善士

卷四十

隱逸

卷四十一

方伎

卷四十二

列女

卷四十三

寓賢

卷四十四

九江府志 卷首 目錄

六

藝文志

經部

卷四十五

史部

卷四十六

子部

卷四十七

集部

卷四十八

別部

卷四十九

文徵

卷五十

金石

卷五十一

雜類志

仙釋

卷五十二

九江府志

卷首

目錄

七

塋墓

卷五十三

祥異

卷五十四

軼事

舊志史事附

卷末

舊版


舊修街名

新修捐輸總目新跋

# 繪圖



新州為界 東內 九江府屬總圖

南東 南康府界



docsriver 文川网  
入驻商家 古籍书城

在文川网搜索古籍书城 获取更多电子书






北西  
與國州界

# 瑞昌縣圖


東北  
德化縣界



東  
武寧縣界

# 湖口縣圖

南至  
彭澤縣界



北至  
武寧縣界

西至  
德化縣界